

docstiver 文川网
古籍书城
入駐商家
在文川网搜索古籍书城 发现更多电子书

548/03

中國方志叢書·華中地方·第三八〇號


據 民國·陳步武，江三乘纂鄭國翰，曾瀛藻修
民國十年七月鉛印本 影印

四川省

大竹縣志

(一)

成文出版社有限公司印行



S/44/03

中國方志叢書·華中地方·第三八〇號

據

民國·陳步武、江三乘纂鄭國翰，曾瀛藻修


民國十七年鉛印

四川省

大竹縣志

(二)

成文出版社有限公司印行



940153

中國方志叢書·華中地方·第三八〇號


據 民國·陳步武，江三乘纂鄭國翰，曾瀛藻修
民國十七年鉛印本 影印

四川省

大竹縣志

(三)

成文出版社有限公司印行



10101440

docsriver 文川网
入驻商家 古籍书城

在文川网搜索古籍书城 获取更多电子书

K20
H810
2000

SK44103

中國方志叢書·華中地方·第三八〇號

據

民國·陳步武，江三乘纂鄭國翰，曾瀛藻修
民國十七年鉛印本


影印

四川省

大竹縣志

(四)

成文出版社有限公司印行



10101441

中華民國六十五年 月壹一版

大竹縣志

全四冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

續濟

縣

志

中華民國十七年
戊辰春二月出版

續修大竹縣志序

人情莫不各愛其鄉聚十百千萬人於一邑並其山川人物土產而予之而方域內之盛衰興廢升降分合與夫人心風俗之所繫咸進而問焉曰此某邑之所有也居是邦者亦以爲此吾邑事不稍遜有代爲答者旁觀則笑其妄聽者則詈其誣由是而志尙焉江淹有言曰作史莫難於志志者憲章所繫非老於典故不能縣之志國之史也大竹縣志前不可考遜清道光修志者王懷孟王懷曾嘉慶續修者劉漢昭鄧遠臨民國再修者吾友陳文甫江緒綸而縣知事曾笠雲同年督成其事予抑不知夫先後修是志者之得失如何也然悉於一邑之典故爲不誤則斷然無疑夫全國省縣有志多甚吾蜀各縣有志多甚近年各縣之以修志聞者亦多甚其於志也爲之圖以正其疆界爲之表以著其沿革爲之紀序碑銘傳誌以載其山水土

物名賢名宦孝子貞夫烈婦爲之歌謠以見其風俗缺略者補輯遺
誤者訂正斯不可謂不勤且備矣然揚之者失夸大衍之者失儼冗
簡者疏陋曼者瑣屑私也則偏於棄取荒也則謬於剪裁假起承祚
道將漁仲諸賢而爲之量衡其必有所進退矣唯是縣志修者縣人
也以縣人修縣志生於斯長於斯歌哭於斯其愛於鄉者真則筆之
於書者確吾取其真且確焉斯進之况翔而實文而有要者哉晉荀
悅謂志有五一日達道義二曰彰法式三曰通古今四曰著功勳五
曰表賢能合多數人而成縣集一縣精華而成志志成則人愛其鄉
者即以縣志爲志是一縣之大縣中人肩負之肩之而思有以治治
之而思至於善其於志也豈淺鮮哉十一年予有綏定之役過大竹
縣令曾笠雲留住十日文甫緒綸皆以志事商之予今轉瞬四年書
成付梓於是笠雲去縣數年矣文甫緒綸日益老而世變尙未有極

讀是編竟不禁悵然有時世遷移之感也

中華民國十六年一月忠州陳光績庶咸謹序



續修大竹縣志敘

民國十五年丙寅秋八月予奉調銓竹陽篆甫蒞任接見邑人士咸以新修縣志既成屬為序予索觀新本以方遞省付印未就僅得底稿及凡例數帙省覽一過知由前任鄭曾兩君提倡聘邑宿儒陳文甫君主其事設局未久就私家編纂卒成之別類分門新舊具載賅而無侈簡而無遺綱舉目張大要悉備以竹陽山水之奇麗人材之俊拔其間忠義節孝畸蹟異行著為當代之宏規標舉一時之風尚而卓卓可欽仰者胥於是敷徽烈焉蓋志者識也縣之有志即鄉土之實錄人羣之撮影所以識不忘也慨吾川自改革以還兵戈滿地典籍蕩然人民值喪亂之餘生殖荒落救死且恐不贍奚暇考古證今斷斷焉以修志為急務即賢有司留心文獻如鄭曾兩前任倡為撫集乃徵采甫行而調命已至人亡政息虛願徒存時事所為比比

皆是不謂斯志以十一年冬開始修纂中經兵燹幾廢半途曠歲積年卒由在邑耆賢拾遺補缺舉清道光壬午以後民國丙寅以前百餘年見見聞聞悉在筆削中體例較舊志爲善而事實之詳贍殆遠過之蓋足與康對山之武功志段玉裁之富順志吳蜀尤之井研志并傳不朽是亦鉅製矣獨怪鄭曾兩君以倡修之主不克完考訂之功豈眞善作者不必善成善始者不必善終歟予萍踪偶合不創不因僭厠高文殊慙襲美然不先不後適以下車之始獲睹斯集之成無才無德獨隆其遇昕亦時數之是合文字之前緣乎因爲序述如此中華民國十五年孟冬月知事陳龍謹序

舊志序

陳仕林

李吉甫元和郡縣志詳疆域而不及人物識者譏之蓋郡縣之有志非徒紀山川列風土為載籍之具文已也固將以已往之薰蕪作將來之燭戒其紀事必詳而核立例必簡而明衡人必嚴而當使後之覽者曰某也忠某也孝某也節某也義慨慕流連聞風興起而人心以正風俗以端故說者謂作志與作史等志豈易言者哉竹陽地當川北三山兩谿幅員遼闊甲於他邑由古迄今其間政治之因革風俗之遷移以及版籍日增人材輩出宜乎美不勝書矣迺嚮者會城續修通志大憲遍徵府州縣志以備採擇前令林君撮序事蹟鈔帙以應不能無蕪雜挂漏之譏是以省志成而竹事因陋就簡獨從其略乏志故也壬寅冬予甫下車即謀之諸紳士卒未果今年夏雨澤調和閭閻豐收訟獄稀少幸相安無事復與縣尉蔡君加意訪求而

劉生裔超以家藏舊志鈔本進乃康熙戊子孝廉王栩岑諱以隴手訂者其自敘曰余適閬州中途日暮失道入荒陂得古刹野宿見神廟內有壞帙蠹蝕不可讀中有一帙首尾無存閱其可讀者乃有明大竹縣志僅得城池星野沿革古蹟人物名宦祠祀數條亦未知刊自何時編自何人其後裔王生敬宣出其底本大略相似然後知竹邑固自有志特明季兩遭兵燹簡編散佚無可考稽耳昔昌黎有言莫爲之前雖美不彰莫爲之後雖盛弗傳斯志成於有明消磨滅沒數十年而得之王君又越數十年而得之余續而絕絕而復續豈非理數之不容終泯哉余讀之喜不自勝而惟恐其久而復失也亟布告六鄉紳士各舉所知選邑中之博聞強記老成端謹者入館修輯分門別類僞者正之缺者補之後起者續之俾學士大夫披覽之下可復窺全豹而國家採風之使亦得有所考據庶幾仰副聖天子勵

精圖治省方問俗之至意若夫紀事之詳而核立例之簡而明衡人之嚴而當余才識迂疏自愧未能請以俟後之君子

docsriver 文川网
入驻商家 古籍书城

在文川网搜索古籍书城 获取更多电子书

重修縣志序

蔡以修

作志無殊於作史作史者列褒貶寓法戒期傳信於後世者也志之爲書凡一邑政治之得失民俗之醇漓士風之隆替無不於茲資攷核焉竹陽隸川東明季以來數被兵燹爲用武地迨我朝休養涵濡數百年幾無不業之民不耕之士矣嘉慶庚辰余奉天子命來宰是邦甫下車即求觀邑志僅得所存鈔本知爲翟明府諱璩奉部文捐廉所輯其時在壬申歲急於應命自茲以後缺而弗攷者正多矣竊思竹陽土風淳厚民知禮義往者教匪滋擾時恒有流寇潛入其境死事者不下數百人其他孝子節婦烈女義夫表而出之亦守土之責也余因不揣固陋公餘進邑人士悉心討論繁者刪之缺者補之其未合體裁者正之凡幾閱月而功始竣非敢自詡完書亦期傳信後世備國家之掌故而已足爲序



凡例

一舊志成於清道光二年距今逾百年矣屢議續修未遑從事重以民國革新風雲俶擾耆獻凋零文卷散佚此時已難爲功後更無從過問是編始由鄭幹臣知事商改體例繼由曾笠雲知事籌款提倡設局於民國十一年十二月甫一年因亂撤局僅由私家不時編纂中間幾經斷續至十五年八月勉竟厥事意在蒐集故實使前事不忘後來有考若以云妄希著作則未敢任也

一舊志門目太繁有宜刪併者有宜加審定者樊樊山湖北通志商例對於分門別類義取通行謂無庸卮立新名故示別裁茲仿其意於從前名志通行義例擇而從之分門十六子目八十三鄭知事商改各條未敢仍循舊轍

一舊志輿圖太略而詳於八景殊於政要無關又首載星野次及沿

革論者以爲東井參鬼地盡巴蜀縣邑小不足書鄢陵志沿革而不列表洪常甫以爲非法茲用計里開方之法全縣製一總圖六段各製一分圖縣城而外他概從略圖考以後首列沿革表次列晷度詳疆域距離之遠近記全縣形勝之所鍾於三山則析其脈絡明其起止於水道則條其源委區其派別較之各別分載而不相聯屬閱之似較瞭然他如關隘之險塞道路之交通古蹟名墓之流傳均於地理有關得并志焉作輿地志第一

一武功志七篇首列輿地次即建置談方志者率依以爲式城池所以衛民官署所以治民故子目先城廡而地方團體實爲官署行政之輔助則法團局所詳焉他如市鎮爲人民所走集渠堰爲水利所涵濤以及橋梁寺觀坊表郵電遞有增益本春秋興作必書之例均不可以不志作建置志第二

一祠祀分典祀羣祀族祀三子目典祀以奉壇廟羣祀以溯本源族祀以尊祖敬宗蒸享苾芬祭祀以時由來遠矣說者以文廟爲儒林所宗不當與羣神爲伍但丁祭禮儀繁重非分別專載不能致詳舊志聖廟謹列學校而丁祭仍以冠典祀之首義各有當自以因仍舊志爲宜作祠祀志第三

一賦稅由人民輸納非條分縷析人民不能共曉自前清丁稅併於田賦居是邦者宜察戶口之登耗考地丁之沿革咸同時代有津貼捐輸層疊之增加民國改元有正稅副稅名目之規定田賦而外如契稅如菸酒油肉各稅名目繁多開載宜詳至若倉儲之起原皆由田賦攤徵而來故常監義積社倉均可於此附見焉作賦稅志第四

一近百年來爲新舊學說改革一大關鍵惟學宮崇奉宣尼先後一轍而其他則不無殊異革新以前有學制爲取士之方而書院膏火

賓興卷局義學學田均以作科舉之培植革新而後以學務機關爲總匯之地而中高初小各校悉以謀教育之普及學款所由來當鉅細靡遺成績之表報可一覽而知至學校外推廣辦法如貸費以資助留學設圖書館以增進智識均宜載在簡編藉資考證作學校志第五

一天道不能有常而無變一時一地之變其鎮攝也易若國體重大之變其安靖也難從前防禦之方有汛防以資彈壓有寨堡以作捍衛反正前後保安則重警察禦匪則恃團練竹邑歷年興辦可得而言至舊志敘前代兵事自秦漢以訖嘉慶教匪之亂今區爲兵事錄上又自咸豐末滇匪寇竹敘至反正後靖國統一諸戰作爲兵事錄下君子觀兵事之大小疏數殆不勝世運升降之感焉作武備志第六

一漢書立百官公卿表後世志職官者類多仿年表例爲之是編以文獻缺陷年歲多難確指故未敢效鰲選舉不能作表例亦如此舊志職官政績各自爲卷考陸平湖靈壽縣志名宦列傳即見職官門中頗得以類相從之義茲仿其例於職官著其姓名復擇其有造於吾竹者爲作傳附於其後惟舊志張公位中王公耀龍均以死難列入忠義查忠義屬人物志所載盡竹中耆賢應仍將兩公列傳改歸政績又民國職官變更促率除知事詳考具載外其餘徵收典獄菸酒監查員實業所長不無一二缺略而本籍任知事有惠政者又以生存容緩立傳閱者諒焉作職官志第七

一吾竹科目以前清道光以來爲最盛近雖制科停廢未便遽從抹煞仍應照唐人登科題名之例上自殿選下訖玉貢一併箸錄惟前此仕無他途故宦蹟得與科名并著清及民國文武登進不一其轍

選舉題名後當增添仕進一門而封蔭仍舊至中學以上高級畢業其爲發身成名之資格與選舉正同故并得附於其後作選舉志第八

一人物不必卓絕異於衆但令發名成業修學砥行或有一節之堪欽爲衆口所交贊均應表而出之爲後進法舊志名臣宦業儒林文苑孝友忠義今仍依次附益惟耆壽不能備載其有年未八旬而行實堪紀者可併入孝義各門慮有遺漏并新增卓行一門凡睦婣任恤鄉里稱善人者得箸錄焉其餘流寓仙釋列女均照舊志編輯爲善作人物志第九

一世運之盛衰地方之治亂均於風俗厚薄有關而所以維持風俗使之淳而不澆樸而不侈則地方人士與有責焉今爲詳風俗之得失作爲概論以資商榷繼以土音方言諺語歌謠均江君紱倫編輯

其有未備尙望後來者補益之作風俗志第十

一 天地生成不無缺陷聖賢胞與一視同仁張子西銘謂天下疲癯殘疾鰥寡孤獨爲吾兄弟之顛連而無告者宜皆有以善遇之吾竹民多瘠苦而樂善者多凡如恤嬰養老救死扶傷收斂掩骼多慷慨捐貲爲之大舜與人爲善春秋善善從長是亟宜登載以資激勸者也作慈善志第十一

一 竹地多山而無大河流三山之產物較遜於兩漕而東西兩山視中山則又遜焉平日米粟價值之低昂恒視外縣有無輸入以爲定而一切服食器用其仰給外輸者尤爲不少然吾竹雖無大宗特產而竹麻紙布所在多有其餘動植礦物種種色色數尤繁夥彙而志之如讀葩經藉資多識足見山川之寶藏無盡而土物之愛所由不禁油然而生也作物產志第十二

一舊志實業無專篇農工商賈即附在風俗門中近則實業與教育
并重則凡設局治事之始末與夫農工商鑛進行之狀況及將來之
企圖均不可不留心考查焉作實業志第十三

一藝文準范石湖吳郡志康對山武功志例凡詩文之有關掌故可
以考證山川形勝時事興革及其人生平行實者均用雙行小註附
在本條之末其篇章之無可隸者則別爲藝文一門以彙載之獨惜
中經喪亂遷徙靡寧家藏策卷半歸散佚徵集深感不易殊苦於無
如何耳作藝文志第十四

一困學記聞謂春秋書災異不書祥瑞然其載有年大有年各一則
豐年爲瑞也其書山崩地震水旱蟲災所以訓寅畏防怠忽也舊志
以年登上壽及五代同堂者爲人瑞今統入耆壽而以耳目不習見
者入此篇勿謂一邑之祥異其感召非田人事也作祥異志第十五

一舊志有應存疑者有雜見他說可資參證者援古逸書及雜記之
例彙列於後以識不忘作雜識第十六
中華民國十五年丙寅秋八月陳步武識

docsriver 文川网
入驻商家 古籍书城

在文川网搜索古籍书城 获取更多电子书

前清初纂姓氏

總理

知縣 翟璵 江南涇縣舉人

分纂

趙宜謨 分縣

監修

張方觀 教諭鹽亭拔貢

陳鵬志 訓導涪州舉人

涂五雲 典史福建人

纂修

王懷孟 邑舉人

王懷曾 邑舉人